

**UJEDINJENE
NACIJE**



Međunarodni sud za krivično gonjenje
osoba odgovornih za teška kršenja
međunarodnog humanitarnog prava
počinjena na teritoriji bivše
Jugoslavije od 1991. godine

Predmet br. IT-99-36-I

Datum: 23. juni 2008.

Original: engleski

PRED PRETRESNIM VIJEĆEM II

Rješava: sudija Ole Bjørn Støle, pretpretresni sudija

Sekretar: g. Hans Holthuis

Nalog od: 23. juna 2008.

TUŽILAC

protiv

STOJANA ŽUPLJANINA

JAVNO

**NALOG ZA OBJAVLJIVANJE AUDIO-VIZUELNOG ZAPISA I DOZVOLU
FOTOGRAFISANJA**

Tužilaštvo:

g. Serge Brammertz

Optuženi:

Stojan Župljanin

Prijevod

JA, OLE BJØRN STØLE, sudija Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud):

IMAJUĆI U VIDU Optužnicu u predmetu *Tužilac protiv Stojana Župljanina*, koja je zavedena 6. oktobra 2004.;

IMAJUĆI U VIDU da je Stojan Župljanin doveden u sjedište Međunarodnog suda 21. juna 2008.;

IMAJUĆI U VIDU Nalog koji je 11. juna 2008. izdao predsjednik Međunarodnog suda i kojim se predmet protiv Stojana Župljanina dodjeljuje Pretresnom vijeću II;

IMAJUĆI U VIDU naloge od 23. juna 2008. u vezi sa sastavom Pretresnog vijeća i imenovanjem pretpretresnog sudije u ovom predmetu;¹

IMAJUĆI U VIDU Nalog od 23. juna 2008. kojim sam imenovan sudijom zaduženim za prvo stupanje optuženog pred Sud;

IMAJUĆI U VIDU da je prvo stupanje optuženog pred Sud zakazano za ponedjeljak 23. juna 2008. u sudnici III, s početkom u 15:00 sati;

UZIMAJUĆI U OBZIR molbu nekih predstavnika sredstava javnog informisanja;

NA OSNOVU pravila 81 (D) Pravidnika o postupku i dokazima Međunarodnog suda;

OVIM NALAŽEM da se, do eventualnog daljnjeg naloga Pretresnog vijeća:

1. odobrava akreditovanim novinskim fotografima da vrše fotografisanje na početku postupka u ovom predmetu u skladu s uputstvima šefa Službe obezbjeđenja Međunarodnog suda;
2. dopušta objavljivanje audio-vizuelnih zapisa svih javnih sjednica u ovom predmetu koje će pripremiti sekretar Međunarodnog suda.

¹ Nalog o sastavu Pretresnog vijeća, 23. juni 2008.; Nalog kojim se imenuje pretpretresni sudija, 23. juni 2008.

Prijevod

Sastavljeno na engleskom i francuskom jeziku, pri čemu je engleska verzija mjerodavna.

Dana 23. juna 2008.
U Haagu,
Nizozemska

/potpis na originalu/
sudija Ole Bjørn Støle,
pretpretresni sudija

[pečat Međunarodnog suda]